



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Iudicium De Articulis Confessionis Fidei Anno M. D. XXX.  
Caesar. M. Augustæ exhibitis, quatenus scilicet à  
Catholicis admittendi sint aut reiiciendi**

**Hoffmeister, Johann**

**Coloniæ, 1559**

**VD16 ZV 17723**

De Sanctiſ. Trinitate.

**urn:nbn:de:hbz:466:1-34289**

*Articuli Fidei præcipui. 1.*

**E**cclesiæ magno cōsensu apud <sup>Confess</sup>  
nos docent, Decretum Nice-  
næ Sinodi, de vnitæte essentiæ diui-  
næ, & de tribus personis verum &  
sine vlla dubitatione credēdū esse.  
Videlicet, quod sit vna essentia di-  
uina, quæ & appellatur & est Deus,  
æternus, incorporeus, impartibilis,  
immensa potentia, sapientia, boni-  
tate, creator & conseruator omniū  
rerum, visibilium, & inuisibilium,  
& tamē tres sint personæ, eiusdem  
essentiæ, & potentiæ, & coæternæ,  
Pater, filius, & spiritus sanctus. Et  
nomine personæ vtantur ea signifi-  
catione, qua vsi sunt in hac causa  
Scriptores Ecclesiastici, vt signifi-  
cet non partem aut qualitatem in  
alio, sed quod propriè subsistit.

Damnant omnes hæreses, con-  
tra hunc articulum exortas, vt Ma-  
nichæos, q̄ duo principia ponebāt,

Bonū



## ARTICVLVS I.

Bonum & Malum, item Valētinianos, Arrianos, Eunomianos, Mahometistas & omnes horum similes. Damnant & Samosatēnos, veteres & Neotericos, qui cum tātūm vnā personam esse contendant, de verbo & de spiritu sancto astutē & impiē rhetoricantur, quod non sint personæ distinctæ, sed quod verbū significet verbum vocale, & Spiritus motum in rebus creatum.

*P. Ioan. Hoff.*



Non deerunt fortasse qui clamabunt nos statim ab initio huius collationis, vel prudentiæ vel etiam modestiæ parū memores esse, quod aggredimur hunc primū Confessionis Articulum excutere: quum tamen quod ad hūc attinet, nulla inter nos & aduersarios sit controuersia. Verūm eos quorum calculi sic solent iudicium anteuertere, rogatos volumus, vt prius omnia patienter legant, examinent: deinde, vt viros bonos & æquos



## ARTICVLVS. I.

æquos iudices decet, iudicare pergant. Is enim mihi ordo seruabitur in transcur-  
su huius operis, vt quæ nobis ex illorū do-  
gmatis probanda sunt, probem: & quæ vel  
planè impia, vel etiam nonnullam impieta-  
tis speciem habere videntur, primùm dili-  
genter examinē, dein iudiciū sup his me-  
um adijciam. Neque hoc silentio præterire  
conabor, si quando, hypocrisis quadam, bo-  
na ostentant, vt hac callida simulatione in-  
cautum fallere possint Lectorem. Sicut es-  
nim quis aquæ mixtum gipsum dans pro  
lacte, seducit per similitudinem coloris: ita  
& Hæretici ( sicut Irenæus p̄monuit ) im-  
ponūt fidelibus similibus verborum, cum  
existimantur similia catholicis dicere. Sed  
tanto magis cauendi sunt & pertimescen-  
di, quanto occultius sub diuinæ legis vm-  
braculo latitant. Quod si de S. Trinitate,  
de incarnatione Verbi, de Magistratu & e-  
ius generis reliquis nulla est controuersia,  
non erat necessarium hæc in medium pro-  
ferre. At, inquit, hoc ideo factum, vt res  
omnis suo quodam ordine proponeretur.  
Sic quidem illi. Verùm enim uerò nobis  
alia subolet causa, nimirum, vt his in aci-  
em positis, Catholicorum sibi nomen as-  
pud



## ARTICVLVS. I.

pu<sup>d</sup> omnes, maximè autem simpliciores  
vendicare possint. Et hec certè talibus,  
nec paucis persuasum est. Hinc illæ vo-  
ces, Cur reijcimus eos qui nobiscum in  
præcipuis fidei articulis sentiunt, qui  
Christi & diuinitatem & humanitatem  
nobiscum fatentur, prædicant, confir-  
mant? Qui omnibus Symboli Apostoli-  
ci articulis subscribunt? Qui veteribus  
Synodis non contradicunt? Hæc inquam,  
& similia iam à simplicioribus audimus,  
& quàm addicti sint Lutheranis illis con-  
cionatoribus, non iniurià deploramus.  
Videmus item, hoc quod etiam aduersa-  
rij non eunt inficias, quod vulgus ad istos  
turbatores abit, non vt Christi iugum sus-  
cipiat, sed solum vt iugum nostrum (hoc e-  
nim nomine dignantur disciplinam Ecce-  
siasticam) excutiant. Cæterùm non statim  
Catholicus est, qui in vno atq; altero Chri-  
stianæ fidei articulo Catholicis consen-  
tit: & solenne est apud Hæreticos, vt dog-  
maris suis Catholicorum aliquot articu-  
los præfigant, quò scilicet cætera facilius  
persuadeant. Nec vnquam quisquam  
fuit Hæreticus, qui hoc nominis sibi tribuere  
patienter sustinuerit. Qui huius rei exem-  
plum



ARTICVLVS. I.

plumperit, vel vnum inspiciat Augustinū, cōtra Iulianū  
 & innumera reperiet. Hinc est quod vi- Pelag. lib. 6. cap. 49  
 gilantissimus iste Ecclesiæ suæ Pastor, ad  
 Iulianum Pelagianum scribit. Enumeras  
quæ fides verè non dubitet Christiana, in  
quibus ea commemoras, quæ penè om-  
nia prædicamus & nos, de quibus nul-  
lo modo dubitandum censemus &c. Et  
Pelagiani, eò quòd Manichæis non adsti-  
pulabantur, in Catholicorum numero po-  
ni, inque Ecclesiæ Christi corpore cen-  
seri cupiebant. Sed quid ad hæc idem Au-  
gustinus? Neque quia Manichæorum mor-  
bo non laborant Pelagiani, propterea fi-  
dei sanæ sunt, Non vnum pestilentia  
genus est, quemadmodum in corporibus, Con. duas  
ita & in mentibus &c. Hæc quidem ille, Epistolas  
quæ tamen Pelagiani contemnentes, calū- pelag. lib. 2. cap. 19  
niabatur nō minùs Catholicos ortho-  
xæ fidei professores, quàm Manichæos no-  
centissimæ heresis authores, vtrosq; hære-  
seos insimulando. August. verò, & Pelagia-  
nos & Manich. diris deuoués, ait, Absit vt ibidē lib. 2. cap. 29  
catholica mater ppter alterorū odiū, alte-  
ros eligat amare, cū monēte atq; adiuuāte  
deò, debeat vtrosq; vitare, & cupiat vtros-  
q; sanare. Hæc mihi eò dicta sūt, vt intelligas  
pia



ARTICVLVS. I.

Ibidem.

Lib. 6.

pius lector, nō statim eos esse Catholicos, qui in certis Catholicis dogmatis Ecclesiæ fidem sequuntur. Neque enim negat furēs hæresis, quemadmodum Hilarius scribit, Sacramentum verę fidei, ad impietatis suę doctrinam religionis vsa principijs. Et rursum dicit, Ingerunt nobis primū nomina veritatis, vt virus falsitans introeat. Bonum in ore est, vt de corde malum subeat. Hæreses cæteræ prætenduntur, vt de se hæresis mentiatur. Fingunt religionem, vt omnium simplicium aurium securitatem verbis fallant. Hactenus Hilarium illum audiuius, cui hæreticorum technæ, doli & imposturæ, satis cognitæ fuerunt. Sed quid multis? Auguste quando hæc Lutheranorum Confessio primum proferebatur, quid factum est? Lutherani condemnabant Sacramentarios (nam hi peculiare offerebant suæ fidei libellos): Sacramentarij verò condemnabant Anabaptistas, Lutheranis, si dogmata respicias parū æquiores: Nec dum enim tum Lutheranis & Zuinglianis cōueniebat admodum, sicut nec in hanc vsque diem. Catholici verò neutros acceptabant per omnia, cum tamen omnes & singuli primarios illos Articulos



## ARTICVLVS I.

iculos confiterentur. Quæ cum ita sint,  
non puto aduersarios hanc meam liberta-  
tem iniquius laturus. Nam & nos Artic-  
los illos præcipuos negauimus nunquam:  
& tamen quibus coloribus illi nos depin-  
gant per totum hunc librum, tam apertum  
est quàm impium. Igitur quod hos Arti-  
culos nobiscum credunt & fatentur, rectè  
faciunt, nosq; nō habent aduersarios, neq;  
necesse fuerat vt præcipuas partes Symbo-  
li Apostolici recitarent, cum id nemo ab il-  
lis querat. Vnde non est quod sibi plurimū  
placeant aduersarij propter hanc priorum  
Articulorum confessionem, sed potiùs in  
reliquis dogmatis Ecclesiæ Catholicæ sub-  
scribere pergant, aliàs enim Catholici vo-  
cati non possunt, quocunq; tandem titulo  
se apud suos venditēt. Quod si contēdēdi  
libidine veritati cedere noluerint, meliora  
tamen speramus: cogemur de illis dicere,  
quod olim D. ille meus Augustinus contra  
sectarios suæ ætatis, qui & ipsi nō per om-  
nia insaniebant, sed in multis Ecclesiæ fi-  
dem defendebant. in multis, inquit, Au-  
gustinus, erāt mecum. Baptismū habebam?  
vtriq; erāt mecum. Euangelium vtriq; habe-  
bamus, erant in eo mecum. Festa Martyrum

C cele-



## ARTICVLVS II.

celebrabamus, erant ibi mecū. Pasche solē-  
nitatem frequētabamus, erant ibi mecum,  
non omnino mecū. In schismate nō mecū:  
in heresi non mecum: In multis mecum, in  
paucis non mecū &c. Sed hæc hæten<sup>o</sup> mi-  
hi videor non temere admonuisse, iam ad  
reliqua pergamus, & sepositis male suadis  
affectibus omnia candidè ventilabimus.

### Articulus. II.

**I**Tē docent, quod post lapsum A-  
dæ oēs homines secundum natu-  
ram propagati, nascantur cum pec-  
cato, hoc est, sine metu Dei, sine h-  
ducia erga Deū, & cum concupiscē-  
tia, quodque hic morb<sup>o</sup>, seu vicium  
originis verè sit peccatum, damnās  
& afferens nunc quoque æternam  
mortem, his qui non renascuntur  
per Baptismū & spiritum Sanctum.  
Dānant Pelagianos, & alios q̄ viciū  
originis negāt esse peccatū, & vt ex-  
tenuēt gloriā meriti, & beneficiorū  
Christi, disputāt hoīm pprijs virib<sup>o</sup>  
rationis corā Deo iustificari posse.

F. Ioan.